

ኦይትምሰባብ የሆንሰታ እርንዳ ክቴና እርድንታ

ኦይትምሰባብ የሆንሰታ እርንዳ ክቴና ቃሰቴን እፍ ማቻን ኬዘንከሰም የጀንዴ። ኬተረ ናብብድባብከሰ ሳብካ ክክንኬ ክታ ይንችን የሱሰ ክርሰቶሰካ ክክን ዋልቃትች ኬታ ደቅተርንግንዳ ዛብሰካንተኬ ኮትኮም ዋልቃትችን ካይሰካንታ ማድን ካርካ ኤሰሰንዘንካ ከት ጎተርተርንግንዳ ኤግዘምሰካንቴ። ኮታይካ እምሳንዳ ካርካ ኤሰሰንታ ዳቀልሰና ዉድንዳ ዳልግ ማቻን ኮፍጫ ሙደንካ ክክን ይይምድን ዋልቃትችንካ ማቻንካንታ ሳብታ ይንችን የሱሰይ ቦድሶ ኤድ ማትካንታ እነረ ኤተንግንዳ እዛ ክታ ደቅካንታ ማታዬ ጋይድንዳ ዐቁ። ኬታኬና ኤሰሰንባብከሰ “እቅንታ ጋይንተና ፍጫሙደንዘን ገች ዐቅንንካ ዉችኩን ማጠርክሳ ደቅ ጋይንትዬ” ጋይድ ዐቁኬ። ኮትኮከረ ክክን “ኡርማ እዘካ ደቅንተረ ማታ እብ ኤድካንተረ ሶልማ ሰችና እቅንተንካ ክክን ዐረነረ ዋልቃትች” ካዬ ጋይድ ዐቁኬ።

ኖ ዳፍንባቢረ ኮትኮ ኤሰሰን ግርንተካ የሱሰ ክርሰቶሰ ቦድማ ኤዴ፣ የሱሰካ ኣመንድባብከሰኬ ሳብም ሶልምድባብ ሙደና ክክ ክከረ ሶልማ ከትም ዝግዘዴ ጋይንተካ ኡርሰት ከትካንታ ኬዘቴ።

ማጻፍን ኮትኮታ ሙዳ የድንተና

እርድንታ (1:1-4)

ሳክመኬ ኤምንካ (1:5—2:29)

ሳብታ ይንችንከሰኬ ዳብሎሰታ ይንችንከሰ (3:2-24)

ደፈንንኬ ካርከንካ (4:1-6)

ነግምዳክንዳ ሶልማ (4:7-21)

ሙደንም ጋምድን አሜንና (5:1-21)

ደቅንት ቃላ

¹ እሪንደትዘንካ የድሶ ዐቃን ደቅንት ቃለንካ የካንታ ጸብዶቴ፣ ኮና ደቅንት ቃለና ዋ ኤሰርሳንደትምኬ ዋንታ እፍንካ ዋ ሰዳንደትም፣ ዋ ማለካ ሰዳንደትምኬ ዋንታ እንነከሰካ ዋ ዐጫንደትሜ።

2 ናኮና ደቅንትና መያ ማቴ፤ ዋተረ ሰቶቴ፤ የካንታ ማርከርዶቴ። ሳብ ባበንደር ዐለቃንደትምኬ ዋካንተረ መያ ማቻን ሰለንካ ደቅንትን የካንታ ኬዘዶቴ።

3 ዋንካ ክክን ዋልቃትች የንታ ደቅተርንግንዳ ዋ ሰዳንደትምኬ ዋ ኤሰርሳንደትም የካንተረ ኬዘዶቴ። ዋንታ ዋልቃትችኒረ ሳብ ባበንደርኬ ክታ ይንችን የሱሰ ክርሰቶሰካ ክክኔ።

4 ዋንታ ጉርምና ቦድማ ማድንግንዳ ኮም የካንታ ጸብዶቴ።

*

ሳብ ሳክማ ማትንቴና

5 ክታዘንካ ዋ ኤሰርሳንደትኬ የካንተረ ዋ ኬዘድንዳ ክቴና “ሳብ ሳክማ፡ ኡምነረ ክደር ቦድሶ ካዬ” ጋይድንዴ።

6 ኮካንታ “ሳብካ ክክን ዋልቃትች ዋንታ ደቅዴ” ጋየርቶ ኡማር ዋ ደቅድንዳ ማቼ ማልትባቦቴ፤ ዋንታ ኬዘከረ ማታ ዋንታ ፍክሰንከረ ዶፈንና ካዬ ጋይንትዬ።

7 ኬዛርንካ ማቼ ሳብ ይንታ ማተናርንካ ሳክማር ደቅድንግንዳ ዋተረ ሳክመናር ዋ ደቅሴ ክክ ክክታ ዋልቃትች ዋንታ ደቅተሬ። ጉጅሰረ ክታ ይንችን የሱሰታ ማቀሰና ጎማ ሙደናርንካ ዋም ጭልዘዴ።

8 ጎማ ዋንዘን ካዬ ዋ ጋይዴ ዋንታ ማተንም ገሰዝዶቴ። ዶፈነረ ዋንታ ዋር ካዬ።

9 ዋንታ ጎመንም ሳብደር ዋ ፋጭዴ ኖ ኣመንምሰባብኬ ጭል ማቻንካንታ ዋንታ ጎመንም ሙዳ ነጋ ጋይዴ፤ ዋንታ ዳቀልሰን ሙደናርንካ ጭልዘዴ።

10 ጎማ ፍክሳኮተ ዋ ጋይዴ ሳብም ካርካባብ ማዘዶቴ፤ ሳብታ ቃለነረ ዋንታ ዋሪ ካዬ።

2

ክርሰቶሰ ዋንታ ቡካታ ማትንቴና

1 እስታ ይንችንከሶ! ኮም የካንታ እ ጸብድንዳ ጎማ የ ፍግዝዳክንግንዳ ጋይሰቴ። ኬዛርንካ ማቼ ዐለዩነረ ኤድ ጎማ ፍግዝዴ ሳብ ባበንደር ዋንታ ቡካታ ደቅዴ፤ ኖየረ ጭልና የሱሰ ክርሰቶሴ።

1:2 የሆ. 1:14።
ጉርምና ጋይደኬ።

* 1:4 ዋንታ ጉርምና፤ ዋልቃ ዋልቃ ኤና ጸፍምሳንዳ የንታ
1:7 የሆ. 13:34። 2:1 የሆ. 1:12።

2 ኖየረ ዋንታ ጎመን ነጋ ጋይምድንግንዳ ይዴ፥ ዋንታ ጎመንም ሀክ ማታክናና ፍጫሙደንታ ጎመና ነጋ ጋይምድንዳ ክትኬ።

3 ሳብታ ክተንከሰም ቦድባብ ዋ ማቼ ክትም ኤዘድባብ ዋንታ ማትንተን ኮካ ኤዘድቱ።

4 “ሳብም ኤዘድቱ” ጋየሮ ክታ ክተንከሰም ቦዳክባብ ደቅሴ ካርከንባቤ፥ ደፈንነረ ክታር ካዬ።

5 ኬዛርንካ ማቼ ሳብታ ቃለንካንታ ክትምድባብ ሙደና ሳብካንታ ደቅድን ሶልመና ቦድሜ፥ ደፈን ክትካ ዋ ደቅድንዳ ማትንተነረ ኤሰምድንዳ ኮትኮኬ።

6 ሳብካ ደቅድቱ ጋይድባብ ኤድ ክርሰቶሰ ደቅሳንግንዳ ደቅ ክትም ዝግዘዴ።

ክላ ክቴና

7 ገረነንከሶ! ኮና የካንታ እ ጸብድን ክቴና እሪንደትዘንካ የድሶ ሀቃንደትኬ ኤና እሪ ክቴና ዳት ክላ ካዬ፥ ኮነረ ኤና እሪ ክቴና የ ኤሰርሳን ቃሌ።

8 ማታጋካ ዳት ክርሰቶሳርኬ የንታ ደቅንተናር ደፈን ማትሶ ሀፈርሳንደትም ክላ ክትንም የካንታ ጸብድቱ፥ ኡምና ሀልእሶ ደፈን ሳክመና ታየረ ሳክሳደቅዴ።

9 ሳክመናር ደቅድቱ ጋየሮ ይንታ እሰመንምኬ ሞቕነንም ግርድባብ ታ የለልታ ኡምናር ደቅዴ።

10 ይንታ እሰመንምኬ ሞቕነንም ሶልምድባብ ሙደና ሳክማር ደቅዴ፥ ክትከረ ኤድም ጎሄርዝድን ሪ ደቃዬ።

11 ይንታ እሰመንምኬ ሞቕነንም ግርድባብ ማቼ ኡማር ደቅዴ፥ ኡምናረረ ኦንግዴ፥ ኡምነረ ክታ አፍን ዝልሳንካንታ ይ አይድንደትመረ ኖ ኤሳዬ።

12 የታ ይንቕንከሶ፥ የንታ ጎመና የሱሰታ ላምንካ ነጋ ጋይምሳንካንታ የካንታ ጸብድቱ።

13 የታ ባቤንከሶ፥ ኤና እሪንደትዘንካ ደቅድንደትም የ ኤሳንካንታ የካንታ ጸብድቱ። ማርንድንከሰኬ እንጀንከሶ፥ ሰጣንም የ ጋምሳንካንታ የካንታ ጸብድቱ።

14 የታ ይንቕንከሶ፥ ሳብ ባቤንም የ ኤሳንኦል የካንታ ጸብድቱ። የታ ባቤንከሶ፥ እሪንደትዘንካ ደቅድንደትም የ ኤሳንካንታ የካንታ ጸብድቱ። የታ ማርንድንከሶ፥ ዳቅማ የ ማቓንካንተኬ ሳብታ ቃለና የንታ ቡደናር ደቅድንካንታ፥ ሰጣንም የ ጋምሳንካንታ የካንታ ጸብድቱ።

15 ኮ ፍጨዘንደትም እነረ ኮ ፍጨሙደንታ ሪን
 ዐይሶልመቲ። ኮ ፍጨዘንደትም ሶልምድባብ ሳብ ባቤንም
 ሶልማዬ።

16 ኮ ፍጨዘን ደቅድሪ ሙደና ጎመትንደትም እንግር፥
 አፍካንታ ኡርድ ሪ፥ ገችንተተኬ ዐቅንተታ ጨቅና ኮ ፍጨዘንካ
 ዳት ሳብ ባቤንዘንካ ካዬ።

17 ኮፍጨ ሙደንኬ እንግርነረ ሰገዴ። ሳብታ ጋይተንም
 ቦድባብ ማቼ ሰለንካ ደቅተሬ።

ክርስቶስም ግርድባብዘንካ ካርሰም

18 ይንችንከሶ! ኮና በእንታ ሳዓቲ፥ “ክርስቶስም ግርድባብ
 ዐይዴ” ጋይምድንካ የታ ኤሰርተቲ፥ ይና፥ ታ ዋራ በድ
 ክርስቶስም ግርድባብከሰ አምተኬ፥ ኮካካ በእንታ ሳዓት
 ማትንተንም ዋታ ኤዘደቲ።

19 ኬት ዉተዳንዳ ዋንታ ዋክያርንኬ፥ ማታጋካ ዳት ኤና
 እረረ ዋንታ ኮችናርንካ ካየኬ። ዋንታ ኮችናርንካ ከት ማቼሰናና
 ዋንካ ክክን ዳቅሶ ደቅተረክደቆ። ኬዛርካ ማቼ ሙደና ዋንታ
 ኮችናርንካ ከት ማታክንደና ኤሰምተርንግንዳ ዋንታ ዋክያርንካ
 ፋሰምሰኮ ዉተኬ።

20 የም ማቼ ክርስቶስ አያን ጭልንካ ሳይቲ። ኮካንታ የታ
 ሙደነረ ሙዳ ሪም ኤዘደቲ።

21 የካንታ እ ጸብድንዳ ዶፈንን የ ኤዘዳክንካንታ ካዬ፥ የተረ
 ዶፈንንም ኤዘደቲ፥ ዶፈናረረ ካርካ ዐፈርዳክንደትም ኤዘደቲ።

22 ይና የሱሰ ሳይምሰባብ ክታ ማትንተን ካድባብዘንካ አብ
 ካርከንባብ ዐይፈ? ኖ ክርስቶስም ግርድባቤ፥ ሳብ ባቤንምኬ
 ሳብ ይንችንመረ ካዴ።

23 ሳብ ይንችንም ካድባብ ሳብ ባቤንመረ ኤዘዳክዬ፥ ሳብ
 ይንችንካ አመንድባብ ሳብ ባቤንከረ አመንዴ።

24 እሪንደትዘንካ የድሶ የ ኤሰርሳንዳ የንታ ቡዳር ዳቅሶ ዶቃ፥
 የታ ማቼ እሪንደትዘንካ የ ኤሰርሳን ቃለና የንታ ቡዳር ዳቅሶ
 ኮት ዶቅሴ ሳብ ይንችናርኬ ሳብ ባቤንካ ክክን ዋልቃትች የንታ
 ደቅተሬ።

25 ኮነረ ክርስቶስ ዋካንታ እምሳንዳ ዐይድ ጉርምና
 ሰለንክንደታ ደቅንቲዬ።

26 የም ገሰዘድን ኤድንከሰንካ ኮም የካንታ ጸፍሳቲ፥

27 ክርስቶስዘንካ የ ተያንዳ አያንና የንታዋር ደቅድንካንታ
 አብ ኤሰሰንባብ የካንታ ዝክሳዬ፥ ኖ የም ሙዳ ሪን ኤሰሰተሬ፥

የም ኤሰዝድንደረ ዶፈንን ዳት ካርከንም ካዬ። ኮካንታ እያን ጭልና የም ኤሰሳንደትግንዳ ክርሰቶሳር ዶእከቴ።

28 ይና እሰታ ይንቸንከሶ! ክት መያ ማድንዐይካ ጳሳኮትዶቆ ሙቅምካ ዎ ሰድንግንደኬ ክት ዐድን ሰጨንዐይካ ክታ እሪ ዎ ኦሰንተራክንግንዳ ክትካ ዶእከቴ።

29 ክት ጭል ማቻን የ ኤሴ ጭለትቸን ይድባብ ሙደና ሳብዘንካ አጥምሰባብ ማትንተን ኤሰከቴ።

3

ሳብታ ይንቸንከሰ

1 ሳብታ ይንቸ ጋይምሶቶ ዎ ኤልምድንግንዳ ሳብ ባቤና ዐስግንዳ ይንታ ዶቅድን ሶልመን ዎካንታ እምሳናከረ ሰድከቴ! ገተረ ሳብታ ይንቸቴ፤ ፍጫ ሙደና ሳብም ኤሳክንካንታ ዎመረ ኤዘዳክዬ።

2 እሰታ ገርነንከሶ፥ ታ ሳብታ ይንቸቴ፤ ኦሰ እሪ ዐራ ዎ ማዳናንከረ እክ ኤሰማክዬ፤ ኬዛርንካ ማቼ ክርሰቶሰ መያ ማድንዐይካ ዶፈን ክታ ካምሰን ዎ ሰድንካንታ ክትም ዎ ካምድንደትም ኤዘደቴ።

3 ኮነረ ማድንደትም ክርሰቶሰካ ዐድን ጉርም ይድባብ ሙደና ክርሰቶሰ ጭል ማቻንደትግንዳ ኖየረ ይንታ ማተን ጭል ማዘዴ።

4 ጎማ ጋይንትና ሳብታ ህግንም ዉል ማቻንካንታ ጎመን ፍግዝድባብ ሙደና ሳብታ ህግንም ዉልእዴ።

5 ክርሰቶሰ ኤድንከሰታ ጎመንም ዐልእስካንታ መያ ማቻንግንደኬ ኖየረ ጎማ ክታዘን ካየንደትም የታ ኤዘደቴ።

6 ኮካንታ ክርሰቶሳር ዶቅድባብ ኤድ ሙደና ጎማ ፍክሰሮ ዶቃዬ። ጎመን ፍግዝድባብ ኤደረ ክርሰቶሰም ሰዳክየ እነረ ኤሳክዬ።

7 ይንቸንከሶ! ዐየሰነረ የም ዐይገስሳ፥ ክርሰቶሰ ጭል ማቻንግንዳ ጭለትቼንም ይድባብ ሙደና ጭልዬ።

8 ዳብሎስ እሪንደትዘንካ የድሶ ጎማ ፍግዝድንካንታ ጎመንም ፍግዝድባብ ሙደና ዳብሎስታ ኮቻዬ። ሳብታ ይንቸና መያ ክት ማቻንደረ ዳብሎስታ ፍክሰንም ዉልእካንቴ።

9 ሳብታ እዘና ክታ ዋር ደቅድንካንተኬ ሳብዘንከረ ክት ኢጥምሳንካንታ ሳብታ ይንቑ ማቕባብ ጎማ ፍክሰር ደቃዬ፤ ጎመን ፍክሰካንተረ ማታዬ።

10 ሳብታ ይንቑንኬ ዳብሎስታ ይንቑንካ ፋስምሶ ክት ኤስምድንዳ ኮኬ፤ ጭልንም ይዳክባብኬ ይንታ እስመንምኬ ምቕነንም ሶልምዳክባብ ሙደና ሳብታ ይንቑ ካዬ።

ክክ ክክ ሶልማኅካ

11 እሪንደትዘንካ የድሶ የ ኤሰርሳን ክቴና “ክክ ክክ ዋ ሶልማ” ጋይድንዴ

12 ሰጣንታ ኮቕ ማቻንግንደኬ ይንታ እስመንም ደይሰባብ ቃኤልግንዳ ማት ዋም ዝክሳዬ፤ ኖይንታ እስመንም *ዐረካንትክ* ደይሳራ? ክታ ፍክሰና ዳቅል ማቻንካንተኬ ክታ እስመንታ ፍክሰና ማቼ ደፈን ማቻንካንቲ።

13 እስመንከሰኬ ምቕነንከሶ! ፍጫ ሙደና የም ቦሰረ *ዐይበርኤቴ*።

14 ዋታ ዋንታ እስመንንከሰምኬ ምቕነንከሰም ዋ ሶልምድንካንታ ደእናርንካ ደቅንተናር ዋንታ ቃልንተንም ኤዝዶቴ። ሶልማ ካየንባብ ኤድ ደእታ ሰፍናር ደቅዴ።

15 ይንታ እስመንምኬ ምቕነንከሰም ግርድባብ ሙደና ሰንጉ ደይዝድባቤ፤ ሰንጉ ደይዝድባብተረ ሰለንክንደታ ደቅንት ክታ ካየንደትም የታ ኤዝደቴ።

16 ሶልማ *ዐረ* ማቼረ ዋ ኤዝድንዳ የሱሰ ክርሰቶሰ ይንታ ሰንጉንም ዋካንታ ሰክሰት እምሳንካንቲ፤ ዋተረ ዋንታ ሰንጉንም ዋንታ እስመንከሰካንተኬ ምቕነንከሰካንታ ሰክሰት እም ዋም ዝግዝዴ።

17 ኤድ ኮ ፍጫሙደንዘን ቆልማ ክታ ደቅድንካ ማጠርሰባብም ሰድሶ ክት አጨራክንዳ ማቼ “ሳብም እታ ሶልምድቴ” *ዐስግንድክ* ጋይካንታ ማዳ?

18 እስታ ይንቑኖ! ዋንታ ሶልመና ደፈንኬ ፍክሰካ መያ ማድንዳ ማታጋካ ዳት አፈታ ኬዘካ *ዐክ ዐይማታ*።

ሳብታ እሪ ዋንታ ደቅድን ኣመንምና

19 ኮከረ ደፈንንከሰ ዋንታ ማትንተኬ ሳብታ እሪ ኦይምካይሳ ኣመንምካ የልካንታ ማድባብ ዋንታ ማትንተን ኤዝዶቴ።

20 ኮትኮሳከረ ዋንታ ቡድና ዋንዘን ፋረጀረ ሳብ ዋንታ ቡድንዘንካ ሰግዬ፥ ኖየረ ሙዳ ሪን ኤዘዴ።

21 ገርንንከሶ፥ ዋንታ ቡድና ዋንዘን ፋረዳክንዳ ማቼ ሳብታ እሪ ቦድማ አመንም ዋንታ ደቅዴ።

22 ሳብታ ክትንከሰም ዋታ ቦድባብኬ ክትም ጉርምዘድንደትመረ ይድባብከሰ ዋ ማቻንካንታ ዋ ምግዘድንደትም ሙዳ ክደርካ ዐብዶቴ።

23 ሳብታ ክቴና ክታ ይንቹን የሱሰ ክርሰቶሰታ ላምካ ዋ አመንድንግንደኬ ክርሰቶሰ ዋም ክትሳንደትግንደረ ክክ ክክ ዋ ሶልምተርንግንዴ።

24 ሳብታ ክቴንም ቦድባብከሰ ሙድና ሳብካ ደቅደኬ፥ ሳበረ ክትካ ደቅዴ። ሳብ ዋንካ ደቅድንደትም ዋ ኤዘድንዳ ክት ዋካንታ እምሳን አያንኬ።

4

ዶፈን አያንንኬ ካርካ አያንካ

1 ገርንንከሶ! ፍጫሙደንዘን በድ ካርከንባብ ሳብዘንካ ኤሰራክዶቆ ኬዘድባብከሰ እምሳንካንታ አያንን ሙዳ ዐይ አመነቴ፥ ሰግሰሰረ አያንከሰ ሳብዘንካ ኬታ ማትንተንምኬ ማታክንደትም ፋሰት ኤሰከቴ።

2 ሳብታ አያንንም ፋሰትዮ የ ኤዘድንዳ ኮኬ፥ የሱሰ ክርሰቶሰ ኤድ ማትሶ ኤድግንዳ ክታ መያማትንተን አመንድን አያን ሙድና ሳብታ አያኔ፥

3 የሱሰ ኤድ ማትሶ ኤድግንዳ ክታ መያ ማትን አመንዳክን አያን ሙድና ሳብታ አያን ካዬ፥ ኮነረ አያንና ዐይ ይድንካ የ ኤሰርሳንዳ ክርሰቶሰም ግርድን አያኔ፥ ኖ ታ ዋራ ፍጫሙደንዘን ደቅዴ።

4 ይንቹኖ! የታ ሳብተቴ፥ የንካ ደቅድን አያንና ፍጫሙደንዘን ደቅድን አያንንዘንካ ሰገዴ። ሳብዘንካ ኤሰራክዶቆ ኬዘድባብ ካርከንባብከሰም ጋምተቴ።

5 ሳብዘንካ ኤሰራክዶቆ ኬዘድባብ ካርከንባብከሰ ኮ ፍጫሙደንዘንኬ፥ ከት ኬዘድንደረ ኮ ፍጫሙደንታ ሪንመ። ፍጫ ሙደነረ ከትም ኤሰርዴ።

6 ዋታ ሳብቶቴ፥ ሳብም ኤዘድባብ ሙደና ዋም ኤስርዴ፥ ሳብታ ማታክባብ ማቼ ዋም ኤስራዬ። ዶፈን እያንንኬ ካርካ እያንንም ፋስትዮ ዋ ኤዘድንዳ ኮኬ።

ሳብ ሶልማ

7 ገርነንከሶ! ሶልማ ሳብዘንካ ማቻንካንታ ክክ ክክ ዋ ሶልማ፥ ሶልምድባብ ሙደና ሳብታ ይንቕዬ፥ ሳብመረ ኤዘዴ።

8 ሳብ ሶልማ ማቻንካንታ ኤድም ሶልምዳክባብ ሙደና ሳብም ኤዘዳክዬ።

9 ክታ ይንቺንገገካ ዶቅንት ዋ ዐብድንግንዳ ሳብ ይንታ ዋልቃ ይንቺን ፍጫሙደንዘን ክትም ኦይቴ፥ ኮከረ ሳብታ ሶልመና ዋንታ ዋክያር መያ ማቴ።

10 ሶልማ ጋይንት ኮኔ፥ ዋታ ሳብም ሶልምሳንካንታ ማታክናና ክት ዋም ሶልምሳንካንታኬ ዋንታ ጎመን ክት ዐልእዘድንግንዳ ይንታ ይንቺን ዋካንታ ክት ኦይቻንካንታ።

11 ገርነንከሶ! ሳብ ዋም ኮከካ ሶልምሴ ዋተረ ክክ ክክ ሶልማ ዋም ዝግዘዴ።

12 ሳብም ሰጅባብ ዐየነረ ኤድ ካዬ። ዋታ ክክ ክክ ዋ ሶልምሰ ሳብ ዋንካ ዶቅዴ፥ ክታ ሶልመነረ ዋንካ ቦድማ ማዴ።

13 ሳብ ይንታ እያንን እምሳንካንታ ክትካ ዋ ዶቅድንግንደኬ ኖየረ ዋንካ ዶቅድንደትም ኤዘዶቴ።

14 ሳብ ባቤና ፍጫሙደንታ አቅሰንባብ ማሰሶ ሳብ ይንታ ይንቺን ኦይቻንደትም ዋታ ሰቶቴ፥ ክትካ ማርከርዶቴ።

15 የሱሰ ሳብ ይንቕ ማቻንደትም ኣመንድባብ ኤዳር ሳብ ዶቅዴ፥ ኖየረ ሳብካ ዶቅተሬ።

16 ኮካንታ ሳብታ ሶልመና ዋካንታ ዶቅድንደትም ዋታ ኤዘዶቴ፥ ኣመንዶቴ። ሳብ ሶልማ፥ ሶልመካ ዶቅድባብ ሳብካ ዶቅተሬ፥ ሳብረ ክትካ ዶቅተሬ።

17 ኮ ፍጫሙደንዘን ዋ ዶቅድንዳ ገታ ክርስቶስ ዶቅድንደትግንዳ ዋንታ ሶልመንካ ቦድማ ማቼ፥ ፍርዳ ሰጪንካ ጳሰካይሳ ክታ እሪ ዋእካንታ እንድር ኣመንም ዋንታ ዶቅተሬ።

18 ቦድማ ሶልመና ጳሰንም ዉቕትዮ ዛቅዳ ዳት ሶልማር ጳሰካዬ፥ ጳሰ ዋጮካ ክክን የድምሳንዳ ማቻንካንታ ጳዘድባብ ኤቕንታ ሶልመና ቦድማ ካዬ።

19 ሳብ እሪምሶ ዋም ሶልምሳንካንታ ዋተረ ሶልምዶቴ።

20 ሳብም ሶልሞድተ ጋየሮ ይነታ እስመንምኬ ሞቕነንም ግርድባብ ካርካባቤ፥ ይ ሰድባብ ይነታ እስመንምኬ ሞቕነንም ሶልሞዳክባብ ማቼ ይ ሰዳክባብ ሳብም ሶልማካነታ ማታዬ።

21 ኮካነታ ክርስቶስ ዋካነታ እምሳን ክቴና “ሳብም ሶልሞድባብ ይነታ እስመንምኬ ሞቕነንም ክት ሶልማ” ጋይድንዳ።

5

ፍጫ ሙደን ጋምንታኅካ

1 የሱስ ሳይምሰባብ ማትንተን እመንድባብ ሙደና ሳብታ ይነቕዬ፥ ሳብ ባቤንም ሶልሞድባብ ሙደና ሳብ ይነቕንመረ ሶልሞዴ።

2 ሳብታ ይነቕንከሰም ሶልሞድባብ ዋነታ ማትንተን ዋ ኤዝድንዳ ሳብም ዋ ሶልሞስኬ ክታ ክተንከሰም ዋ ቦድንኬ።

3 ሳብም ሶልማ ጋይነትና ክታ ክተንከሰመረ ቦዴ፥ ክተንከሰረ ደጭማ ካየኬ።

4 ዐረታ ጋይሴ ሳብታ ይነቕ ማቕባብ ሙደና ፍጫ ሙደንም ጋምዴ፥ ፍጫ ሙደንመረ ዋ ጋምድንደና ዋነታ ኣመንኬ።

5 የሱስ ሳብታ ይነቕ ማትንተን ኣመንድባብ ኤድዘንካ እብ ፍጫ ሙደንም ጋምድባብ ዐይሬ?

ክርስቶስኅካ እምሞሳንዳ ማርካትቕ

6 ክታ ሰእርንም ሰቕዝድን ሎቀንኬ ክታ ደእንም ሰቕዝድን ማቀሰንካ ዐድባብ የሱስ ክርስቶስዬ። ኖየረ ዐዳንዳ ሎቀኬ ማቀሰኬ። ኮነረ ደፈን ማቓንካነታ ኮና ሪና ደፈን ማትንተን እያን ጭልና ማርከርዴ።

7 ማኬን ማርከንከሰ ደቅደኬ።

8 ከተረ እያን፥ ሎቀኬ ማቀሰኬ፥ ከታኬና ማኬንና ማርካትቕንካ ኤእደኬ።

9 ኤድንከሰ እምድንደትም ማርካትቕን ዋታ ተይዶቴ፥ ኬዛር ማቼ ሳብታ ማርካትቕና ሙደንዘንካ ሰገዴ። ሳብ ይነታ ይነቕንካነታ ክት እምሳንዳ ማርካትቕና ኮኬ።

10 ሳብ ይነቕንካ ኣመንድባብታ ኮና ማርካትቕና ክታ ቡዳር ደቅዴ፥ ሳብም ኣመንዳክባብ ማቼ ሳብ ይነታ ይነቕንኅካ ክት እምሳን ማርካትቕን ይነታ ኣመንክሳ ነግነካ ካርከንባብ ከትም ማሰሰቴ።

11 ክታ ማርካትቼነረ ሳብ ሰለንካ ደቅነተን ክት ዎካንታ እምሳንግንደኬ ኮነረ ደቅነትና ክታ ይንቺንካ ደቅድንደትም ማርከርድንዳ።

12 ሳብታ ይንቹና ደቅድባብካንታ ደቅነት ደቅዳ። ሳብታ ይንቹና ካየንባብካንታ ማቼ ደቅነት ክታ ካዬ።

ሰለንክንደታ ደቅነትንጎካ ኤሰሰ

13 የታ ሳብታ ይንቹንታ ላምንካ አመንድባብከሰ ሙደና ሰለንክንደታ ደቅነት የንታ ደቅድንዳ ማትነተን የ ኤስተርንግንዳ ኮም ሙዳ የካንታ ጻፍትቴ።

14 ዐምንመረ ሪ ክታ ጋይተንግንዳ ዎ ምግዝደ ዎንደር ክት ኤስርድንደትም አመንምዶቴ።

15 ዎ ምግዝድንደትም ሙዳ ክት ዎንደር ኤስርድንደትም ዎ ኤሴ ክታዘንካ ዎ ምግዝድንደትም ሙዳ ታኩን ዎ ተይድንደትም ኤዝዶቴ።

16 ዐየነረ ኤድ ይንታ እሰመንም ደእካንታ የልሰዘዳክን ጎማ ክት ፍግዝድንካ ይ ሰጄ ክትካንታ ምክሳ፡ ኤችንታ ጎመና ደእካንታ የልሰዘዳክንዳ ማቼ ሳብ ክትም ደቅነት እምዴ። ኬዛርንካ ማቼ ደእካንታ የልሰዘድን ጎማ ደቅዳ። ኮግንዳ ጎመንጎካ ክት ምክሳ ጋያይቴ።

17 ዳቅል ፍክሰና ሙዳ ጎሜ። ማታጋካ ዳት ደእካንታ የልዘዳክንዳ ጎማ ደቅዳ።

18 ሳብታ ይንቹና የሱሰ ክርሰቶሰ ክትም ካርዘድንካንታ ሳብታ ይንቹ ማቹባብከሰ ሙደና ጎማ ክት ፍግዝዳክንደትም ዎታ ኤዝዶቴ። ዳቅልነረ ክትም ዎልዳክዬ።

19 ዎታ ሳብታ ዎንታ ማትነተንም ኤዝዶቴ። ፍጫ ሙደና ማቼ ሙደንካ ዳቅልንካንታ ቆልምድንዳ ማቴ።

20 ሳብታ ይንቹና ክት ዐዳንግንደኬ ዶፈን ሳብን ዎ ኤዝድንግንዳ ገቀርድን ቡዳ ዎካንታ እምሳንደትም ኤዝዶቴ፤ ክታ ይንቹን የሱሰ ክርሰቶሰጎካ ክት ዶፈን ሳብንካ ክክን ዋልቃትቶ ዎንታ ደቅዳ። የሱሰ ክርሰቶሰ ዶፈን ጮይሰኬ ሰለንክንደታ ደቅነትዬ።

21 ይንቹንከሶ! ጮይሰ ማዳክን ሪን ጎይንዘንካ የንታ ማትነም ካርሰከቴ።

ክል ጫቃ

Gayil: ክል ጫቃ (New Testament) of Ethiopia

copyright © 2025 The Word for the World International

Language: (Gayil)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

52399b1c-c3b9-53d2-bee1-22d94d5aa3ab